

363.

1423 Oktober 4

Nicolaus Tasche bekennt eine Schuld.

fol. 55v ^(a)Wisset das vor uns komen ist Nicolaus Taschze, unser burger, und hat bekanth, das er Petir Wydeman von Bergaw^{b)} und allen sinen erbin schuldig sie^{c)} 19 gulden, dy er om uff sente Johannis tag globit hat, unvorczoginlich zu bezalin, ouch so hat Wideman om globit von des geldis wegin eynen werebriff von der stadt Wydaw zu brengen, das er und alle sine erben keyn Gunther Follengastes bruder benemen sulle sulcher globde, alz er Andreas Wetterhan von yren wegin gethan hat. Actum feria secunda post Michaelis anno domini MCCCCXXIII^o coram rectore consulum Francz Gerlach et sociorum eius etc.

a) alles durchgestrichen b) folgt durchgestrichen sch c) folgt durchgestrichen 19

364.

1423 Oktober 9

Knoblauch verpfündet seinen Garten.

fol. 55v Wisset das Knoblauch Cunrad Herteln sinen garten, gelegin vor dem obern thore, zu willigen pfande hat yn gesaczt vor 12 rynischze gulden, das er sich sines geldes vor ydermenlichen daran erholen sal. Actum sabbato post Francisci anno domini MCCCCXXIII^o coram rectore consulum Francz Gerlach et sociorum eius.

365.

1423 Januar 24 (1424 Januar 23)

Nickel Scherenschmid verpfündet Haus und Garten.

fol. 55v ^(a)Wisset das Nickel Scherinsmid vor uns bekanth hat, das er^{b)} on uff dem rathusze vorsaczt habe vor 10 rynischze, dar vor hat er om sin hūsz und garten benūmt czu willigem pfande, das er sich sines geldes vor ydermenlichen daran erholen sal. Actum dominica post Angnetis anno domini MCCCCXXIII^o etc.

a) alles durchgestrichen b) folgt durchgestrichen om